

fectio autem, modusque subjectionis addebat suavitatem quamdam, delectationemque, qua Pars inferior superiori obsequabatur, quasi in hac ipsa subjectione complacens sibi, atque delicias faciens; idque ex Gratia illa sanctificante virtutem, cumulatissimaque oboriebatur, quæ uti Mentem Adami perfecte subiciebat Deo, eaque ratione Iustitiam Originalem parturiebat; ita quoque Partem inferiorem perfundebat; ut, quod illa naturaliter superiori Parti præstabat obsequium, delectabiliter, suaviterque præstaret; eoque patto Gratia sanctificans plenam, cumulatissimamque Integritatem efficiebat. Quare mutant quadrata rotundis, qui, quod ab Augustino, & a Doctore Angelico de perfectione subjectionis in Adamo dictum est, ad ipsam subjectionis substantiam minus congrue detorquet. Nihil quippe repugnat, subjectionem uno titulo, & quidem naturali, natam, altero titulo, & quidem supernaturali, perfecti, atque compleri. Quandoquidem autem, iudice Augustino Lib. 1. de Nuptiis, & Concup. cap. 9., in exemplum Concupiscentiæ, facta est Mulier naturaliter subdita Viro, totum, quod hæcenus de Concupiscentia dictum est, Exemplo mulieris plauum faciam, ac apertissimum. Ponamus itaque Mulierem Viro junctam: hæc certe naturaliter Viro subiecta est: At, si ad Apostoli Præceptum attendamus Epist. ad Ephes. cap. 5. dicentis: mulieres viris suis subditæ sint sicut Domino; quoniam vir caput est mulieris, sicut Christus caput est Ecclesie; tunc novo, eoque nobilitiori titulo subiectio illa firmatur, atque perficitur; quatenus scilicet ex Præcepto sobolescit, cum antea in Natura duntaxat fundaretur; modumque perfectiorem ex supernaturali ratione (Apostolici videlicet Mandati auctoritate) acquirit. Ita pariter de Concupiscentiæ ad Rationem subjectione sentiendum; quæ & a Natura esse, & a Gratia potuit, servato quidem utriusque discrimine; a Natura quoad substantiam; a Gratia vero quoad modum, & perfectionem.

Unum est, quod quadam veritatis specie reponere possint; quodque difficultatem aliquam videretur præferre; quorum enim Adamo peccato non remansit, quoad substantiam saltem, ea Partis inferioris ad superioriorem subiectio, si quidem quoad substantiam naturalis erat, juxta vulgatum illud Doctores Angelici Principium ex Dionysio (ut putavit) Areopagita petitum, quod data naturalia etiam in Demonibus post peccatum permanserunt? Ita quippe statuit D. Thomas 1. part. quest. 95. art. 1., & alibi sæpius. Cum enim post Adami peccatum quæcumque Partium inferiorum subiectio, etiam quoad nudam substantiam spectata, sublata sit; nec modo largis illis, magnisque Charismatibus destitutus fuerit primus Homo; sed omnis vel minima Appetitus sensitivi obedientia evanuerit admissio peccato; consequens videri posset, nec minimam quidem Partium inferiorum obedientiam inter naturalia dona humane conditioni debita reputari posse.

Verum tantum abest, ut id adversæ Parti aliquatenus faveret, quin potius nocet magis: si nempe noverint, naturalia illa bona, quæ etiam admissio peccato integra in Homine remanserunt, non alia esse, nisi Naturam ipsam, proprietates, ac facultates naturales secundum esse physicum; nequaquam vero Inclinationes naturales ad Virtutem; quo in ordine reponenda venit subiectio illa naturalis Partium inferiorum ad Rationem. In istis quippe bonis aliquid mortalitatis præferentibus Naturam ipsam Originali peccato læsam, fauciata, vulneratam esse sexcentis plus minus locis affirmat Doctore Angelicus; nosque sequen-

tibus Exercitationibus academicis propugnabimus, non uti rem opinione liberam, sed uti orthodoxæ de Originali peccato Fidei Summam adversus Pelagianos ab Augustino, & Conciliis Africanis explicatissimis Sanctionibus confirmatam. Interim dicam hic tantum, quod retundenda Adversariorum Argutia sit satis. Et certe 1. 2. quest. 85. art. 1. questionem instituens D. Thomas, an peccatum Originale minuerit Naturam bonum, ita scribit: bonum Naturæ humane potest tripliciter dici. Primo; ipsa principia Naturæ, ex quibus ipsa Natura constituitur; & proprietates ex his causate, sicut potentia anime, & alia hujusmodi. Secundo, quia homo a natura habet inclinationem ad virtutem, ut supra habitum est, ipsa inclinatio ad virtutem est quoddam bonum Naturæ. Tertio modo potest dici bonum Naturæ donum Originalis Iustitiæ, quod fuit in primo homine collatum toti Naturæ humane. Primum igitur bonum Naturæ (nempe principia naturalia, & potentia) nec tollitur, nec diminuitur per peccatum. Tertium vero bonum Naturæ totaliter est ablatum per peccatum primi Parentis. Sed medium bonum Naturæ, scilicet ipsa naturalis inclinatio ad virtutem diminuitur per peccatum. Quam itaque procul abfunt a Doctore Angelico, qui subjectionem illam Partis inferioris ad superioriorem post peccatum integram remansuram fuisse dicunt, si fuisset Homini naturalis? Cam e contra hujusmodi naturalia bona Originali peccato læsa, ac violata fuisse doceat, nec de eis intelligendum velit, vulgatum illud effatum Dionysio adscriptum: dona naturalia in Demonibus, & hominibus integra remanserunt. Sed quid ultra ludimus operam? Hoc ipsum, quod nobis obrudunt, Argumentum obvium sibi facit, ac solvit Doctore Angelicus Articulo supra laudato: ex Dionysio, inquit in objectionem prima, bona naturalia in Demonibus manent integra post peccatum; ergo peccatum etiam bonum Naturæ humane non diminuit. Audite vero quid reponat: ad primum dicendum, quod Dionysio sequitur de bono primo Naturæ, quod est esse, vivere, & intelligere, ut patet ejus verba inveniunt. Hoc igitur duntaxat bonum Naturæ mansit integrum post peccatum, hoc unum, hoc solum; non illud, de quo nunc controversetur ad genus moris atinens; subiectio scilicet Partis inferioris ad Rationem; quæ licet inter naturalia, seu rationalia Naturæ debita bona reputanda sit, succedente nihilominus Adæ peccato violata est, læsa est, fauciata est, Exemplo Evangelicis Samaritanis venientis ab Jerusalem in Hierico, quem Iatrores non modo despoliaverunt, sed plagis impositis fetivivum reliquerunt. Sed de his plura dicemus loco suo.

Restat perdifficilis D. Thomæ locus, qui mihi, ut fatear quod res est, negotium aliquod accessit. Extat in 2. Sent. dist. 31. quest. 1. art. 2. ad 3., ubi hæc habet: Poterat Deus a principio, quando hominem condidit, etiam alium hominem ex limo terre formare, quem in conditione sue Naturæ relinqueret, ut scilicet mortalitatis, & passibilis esset, & pugnam Concupiscentiæ ad Rationem sentiens, in quo nihil humane Naturæ derogaretur, quia hoc ex principiis Naturæ consequitur. Quo loco duo docet Sanctissimus Doctor, quæ statuta Assertioni aperte repugnare videntur: primum, possibile Deo fuisse, ut Hominem conderet cum pugna Concupiscentiæ contra Rationem; alterum, nihil tunc Naturæ humane derogatum iri, quia ea Concupiscentiæ perduellio ex humane Naturæ principiis sponte fluit.

Verum, nisi Doctorem Angelicum sibi metipsum repugnasse velint, qui id obijciunt, coguntur & ipsi commodum aliquod interpretamentum iis verbis affuere. Quo pacto enim conciliari ea poterunt

runt cum statuto toties ab illo principio isto naturali, quod & ipsa Gentilium Philosophia perspectum habuit, Concupiscere in tantum est homini naturale, in quantum est secundum Rationis ordinem; Concupiscentia autem, quæ transgreditur limites Rationis, inest homini contra Naturam?

Quid ergo objecto Testimonio reponendum? Inquiet fortasse aliqui, Doctorem Angelicum ita, dum junior esset, locutum fuisse; in Sententias enim, unde petitur locus objectus, dum junior erat, scripsisse; cæterum oppositum in Summa docuisse, dum scriberet senior. At in nodum disrumpunt, non solvunt: in Theologicis vero Concertationibus non idem profecto est disrumpere, ac dissolvere: maxime cum ex ipsis etiam Sententiarum Libris non levia petierimus Testimonia, quibus Concupiscentiam efrænam humane Naturæ conditioni repugnare demonstravimus. Quare dicendum, juxta Doctorem Angelicum, Hominem bifariam spectari posse: primo, secundum conditionem duntaxat animalem; ac tunc quidem cæterorum Animalium forte inordinatam Concupiscentiam uti animalis Naturæ portionem concepisset, ut objecto in loco docet: secundo, spectari Homo potest integra, ut ita dicam, consideratione juxta conditionem rationalis Naturæ, quam propriam fortitur: & quidem secundum istam Concupiscentiam perduellis labes est, quæ animalis duntaxat conditionis Naturæ foret, juxta illud Augustini celebratum Oraculum, tanta namque excellentie est in comparatione pecoris homo, ut vitium hominis natura sit pecoris, Lib. de peccat. originali cap. 40.

Cæterum ne quis sibi putet, eam nos duplicem Hominis considerationem pro arbitrio comminisci, ut perdifficile Testimonium Doctores Angelici non tam exponamus, quam declinemus, audite quod Quest. 4. de malo art. 2. ad 1. ad hoc Institutum dixerit: dicendum (verba sunt ejus) quod aliquid potest esse naturale homini dupliciter: uno modo in quantum est animal, & sic naturale est ei, quod concupiscibilis feratur in delectabile secundum sensum, communiter loquendo. Alio modo in quantum est homo, id est, animal rationale; & sic naturale est ei, quod concupiscibilis feratur in delectabile sensus secundum ordinem

Rationis. En plane distinctionem a me datam; nec quidquam explicatius a Doctore Angelico desiderare potuissim, quo datum a me interpretamentum ex ipsa ejus Doctrina petium ostenderem adversus recentiores illos Thomistas, qui totum Sententiæ suæ robur ex objecto illo Testimonio repetunt. Vultis aliud ad mensuræ cumulum? Dabimus larga manu petium ex Lib. 4. contra Gentes cap. 52.; ubi postquam dari peccatum Originale demonstrasset Doctore Angelicus, quod efrænis hujusce, quam experimur, Concupiscentiæ radix esset, hanc sibi ex Adversantium parte objectionem obviam facit: posset tamen aliquis dicere, hujusmodi defectus tam corporales, quam spirituales non esse pœnales, sed naturales defectus ex necessitate materia consequentes. Necessè est enim, corpus humanum, cum sit ex contrariis compositum, corruptibile esse, & sensibilem Appetitum in ea, quæ sunt secundum sensum delectabilia, moveri, quæ interdum sunt contraria Rationi. Quid porro ad illa reponit S. Doctore? Hoc ipsum plane, quod antea nos reponebamus Hominem bifariam spectando: Sic igitur, inquit, hujusmodi defectus, quamvis naturales homini videantur absolute considerando humanam Naturam ex parte ejus, quod est in ea inferius; tamen considerando Divinam providentiam, & dignitatem superioris partis humane Naturæ, satis probabiliter probari potest, hujusmodi defectus esse pœnales, & sic colligi potest, humanum Genus peccato aliquo originaliter esse Infectum. Quibus verbis duplicem illam humane Naturæ considerationem apertissime statuit, & Concupiscentiæ perduellionem, quam animalis Hominis conditioni congenitam fore docet, si sola illa spectaretur, absolute tamen Homini uti Ratione prædito repugnantem agnoscit.

Tempus est, ut considerato Naturæ paræ Statu, ad tertium Innocentiæ Statum gressum faciamus, omissio nimirum altero Naturæ integræ; circa quem nullam magni Momenti Controversiam a Theologis agitam hæcenus novimus. Ea de re dicendi initium in sequentibus auspiciabimur, & alia, difficillimaque Divinæ Gratiæ Mysteria, quæ tanto animorum æstu, hoc præsertim Sæculo, tractata fuere, explicabimus, ac vindicabimus.

DISPUTATIO SECUNDA.

De Natura Innocente, seu de Originali Iustitia.

PRÆLECTIO PRIMA.

Primum Hominem in Gratia Sanctificante fuisse conditum; nec tamen hoc Fidei Dogma esse, propugnatur.

Statim in antehabitis de primo, quem proposuimus, humane Naturæ possibili Statu disputavimus contra Bajam, Janfenium, & aliquos primæ notæ Theologos, etiam nostros, quibus ea in parte, quæ Concupiscentiæ in Rationem rebellionem illo in Statu, si daretur, futuram propugnaret, assentiri non possumus. In præsentia de Statu Naturæ integræ, cui alterum assignavimus locum, verba facere debuerimus. Verum cum, uti loco suo præmonuimus, circa ipsum, si extitisset (quandoquidem nec ille extitit, licet possibilis fuerit) nihil occurrat, quod

magni momenti Difficultates præferat, idcirco ad eas statim Controversias accedimus, quæ ad tertium Naturæ Statum, qui Innocentiæ, seu perfectæ Originalis Iustitiæ communiter appellatur, atinent; quæque a magni nominis Theologis agitari solent. Primam itaque, potissimamque illam de Innocentiæ Statu Controversiam agendam aggredimur: nam videlicet Adami in Statu innocentiæ, seu cum Gratia Sanctificante fuerit a Deo primo conditus? Hoc est; num Gratiam Sanctificantem in primo suæ Creationis instanti obtinuerit? Quandoquidem sanctificante Gratia fuisse illum præditum antequam ab ea peccatum excideret, nullus ambigit, aut pura Fide ambigere unquam potuit; quæ credimus, Protoparentem Sanctitatem atque Iustitiam sibi, nobisque peccando eripuisse. Quo pacto enim eripisset, si antequam delinqueret non habuisset? De

que idcirco in innocentia Statu Gratiae indifferentiam, ac versatilitatem extitisse, quae ingenita liberi arbitrii facultate determinanda esset: sic etenim bonus usus Gratia non a Gratia esset, sed a libero arbitrio Gratia versatilitatem, atque indifferentiam determinante, uti Janfenius ipse fatetur.

Facit & ad hoc Institutum praecleara ejusdem D. Augustini Sententia Epistolae 186. ad Paulinum cap. 11. quam etiam Concilii II. Arausiaci Patres in Canonem 19. transfuderunt: *Natura Humana* (inquit) *etiamsi in illa integritate, in qua condita est, permaneret, nullo modo se ipsam Creatore suo non adjuvante servaret. Cum igitur sine Dei Gratia salutem non possit custodire, quam accipit, quomodo sine Dei Gratia potest reparare, quam perdidit?* Certe probat eo loci D. Augustinus adversus Semipelagianos Argumento veluti a minori ad majus, Hominem sine Dei Gratia reparare modo non posse, quod perdidit, quia sine Dei Gratia custodire non potuit, quod in Statu Innocentiae olim acceperat: ejusdem ergo Gratia necessitatem utroque in Statu agnoscat quantum ad efficaciam, alias Argumentum ex ea Statuum comparatione petitum frivolum esset. Janfenius porro Gratiam se ipsa efficacem ad reparandam nunc Innocentiam amissam usque adeo necessariam agnoscat, ut Molinianos, qui id perfracte negant, uti Semipelagianos aperte traducat. Eandem ergo Adamo necessariam fateri debet, si vult Augustinianus haberi, ut Innocentiam, in qua conditus fuerat, custodiret.

Et vero, si Augustinus non nisi versatilem Gratiam in Statu Innocentiae agnovisset, tantum abest, ut hoc illius Argumento pressis fuissent Semipelagianis, ut reparationis Gratiam efficacem in nobis agnoscerent, quin potius illud idem Argumentum in Augustinum retorissent in hunc ferme modum: Eadem, te ipso judice, desideratur Gratia, ut Homo possit modo reparare, quod perdidit, quae in Adamo desiderabatur, ut possit servare, quod acceperat: at ut possit ille servare, quod acceperat, non nisi Gratia versatilis, liberoque arbitrio subdita desiderabatur: igitur & haec sola desideratur modo, ut possit Homo reparare, quod perdidit. Quo vel uno totam Augustini Doctrinam ab imo suffodisset. At stat, aeternumque stabit Augustini in Semipelagianos Argumentum; alteri videbitur, quod defendo, Principio nixum; Gratia nimirum efficacis in Statu Innocentiae necessitati.

Novit id profecto D. Fulgentius S. Augustini Discipulus, ejusque Doctrinae admirator, & haeres Lib. 2. ad Theodosium Regem cap. 3. Quaestionem enim instituens, quanam Gratia bono Angelo necessaria esset, ne caderet, eandem illi necessariam fuisse respondet, qualis est Homini lapsio necessaria, ut surgat: *Non alia* (inquit) *Gratia stantem Angelum a ruina potuit custodire, nisi illa, quae lapsum Hominem post ruinam potuit reparare. Una est in utroque Gratia operata, in hoc, ut surgeret; in illo, ne caderet; in illo ne quieveretur; in isto, ut sanaretur. Ab hoc infirmitatem repulsi, illum infirmari non sinit. Illius esca, istius medicina. Efficacem itaque Gratiam utroque in Statu novit eximius Augustini Discipulus; eo tantum inter utrumque Statum discrimine posito, quod Angelo, & Homini sano Gratia cibis esset, fauciato medicina. Nec immerito: demus enim hic duos Homines; agrum unum, sanum alterum; ambobus vero necessitas incumbat in locum praeceptum ascendendi: Utrique scala opus erit, ut ascendat; nempe ob ingenitam corporis gravitatem, quod sursum ferri per sese non potest. Aegro tamen ultra scalae sub-*

sidium medicina erit opus, ut prius sanetur, quam pedes scalae admoveat. Non abimili plane forte Gratia efficaci quovis in Statu eget Homo, vel ob id unum, quod Pietatis, ac Sanctitatis opus Natura (qualiscumque illa sit) facultates excedat; tamen novo insuper titulo Gratia eget Homo laesus, ut fauciatae Voluntatis infirmitas reparetur.

Expressit id erudite Doctor Angelicus, (quem Augustinum contractum appellat Cornelius Janfenius) 1. 2. quæst. 109. art. 2.: sic igitur (inquit) *virtute gratuita superaddita virtuti Naturæ indiget homo in statu Naturæ integræ quantum ad unum; id est ad sperandum, & volendum bonum supernaturale: sed in statu naturæ corruptæ, quantum ad duo scilicet, ut sanetur, & ulterius, ut bonum supernaturalis virtutis operetur, quod est meritum. Uterius autem in utroque statu indiget Homo auxilio Divino, ut ab ipso moveatur ad bene agenda. Quæ si Janfenius paulo attentius observasset, non omnia promiscue confudisset; nec efficacis Gratia necessitatem ex sola Humanae Naturæ corruptione repetendam existimasset.*

Quantum ea parte cespitarit Janfenius, demonstrare hic nostrarum omnino partium existimamus; tamen ex iis, quæ hactenus a nobis posita sunt, Augustinianæ Doctrinæ Fundamenti colligi satis possit, quantum is eo in Capite infeliciter calculum ponat.

Enimvero, tamen D. Augustinus in confutandis Pelagianis totus intentus ad Humanam Naturæ corruptionem fugiat saepe numero, ut victicis Gratia necessitatem ostendat; ejus tamen necessitatem ex alio etiam Capite repeti posse, satis superque significavit iis in locis, ubi efficacissimam, omnipotentissimamque in fledendis Hominum Voluntatibus Dei Virtutem agnovit in ipsis etiam naturalis ordinis operationibus; ut supremum Dei in Creaturas, quascumque Dominionum tueretur. Quocirca decretorum plane est, quod habet Sanctissimus Doctor Lib. de Gratia, & Lib. arb. cap. 20. *Scriptura Divina, si diligenter inspicatur, ostendit, non solum bonas Hominum Voluntates, quas ipse facit ex malis, & a se factas bonas in actus bonos, & in aeternam dirigat vitam; verum etiam illas, quæ consecrant sacri creaturam, ita esse in Dei potestate, ut eas quo voluerit, quando voluerit, faciat inclinari.* Pariter cap. 21. ejusdem Libri: *agit Omnipotens in cordibus Hominum etiam motum Voluntatis eorum: ut per eos agat quod per eos agere ipse voluerit, qui omnino injuste aliquid velle non novit.* Explicatius vero Lib. 1. Retract. cap. 9.: *quia omnia bona, & magna, & media, & minima ex Deo sunt; sequitur, ut ex Deo sit etiam bonus usus liberæ Voluntatis.* Quo vel uno & Molina, & Janfenio jugulum petit; qui & motum ipsum, & bonum usum liberæ Voluntatis a Deo non esse fabulantur: ille quidem quocumque in Statu, iste in Statu saltem Innocentiae primi Hominis, & Angelorum.

Neque vero id affirmare, satis visum est Augustino: hoc ipsum quoque luculentissimis Scripturarum Exemplis demonstravit; quæ cum naturalis ordinis omnino sint, nemo inde non intelligit, Augustinum Divinae Motionis efficaciam ad naturalem etiam ordinem protendisse; adeoque potiori longe titulo ad actus supernaturales Hominis innocentis, & Angelorum. Primum ex Electione Saulis in Regem petitum est, de qua multa habet Lib. de Correctione & Gratia cap. 14. & in qua quidem manifestum fuisse ait supremum Dei in Hominum Voluntates Imperium: *Non est itaque dubitandum* (inquit) *Voluntati Dei, quæ in Cælo, & in Terræ omnia quæ-*

PRÆLECTIO IV.

Efficaciae Gratia necessitas in Statu Innocentiae rationibus Theologicis comprobatur.

Janfenium D. Augustini, quem unum sibi Patronum assumpserat, Auctoritate jam satis, ut opinor, exagitatam, Theologica etiam ratione pulsandum impræsentiarum aggredimur. Theologica, inquam, ratione, non Philosophica. Abest enim, ut eorum vitio laboremur, qui cum Theologiam ex Officii, ac Muneris debito tradendam sibi sumperint, spinis, ac vepretis philosophicis perpetuo hærent: quidquid probandum habent, ex Philosophicis Institutionibus repetunt; quidquid decernunt, ad Philosophicæ calculos revocant; quidquid argumentantur, ad Philosophicæ quibuslibet per fas nefasque traducunt: ut vix illos dimidiatos Theologos appellaverit. Ergo ne Theologia nostra intra Philosophicæ cancellos perpetuo continebitur, ut aëria nunquam excurrat? Ita ne iniquis humanae Rationis spatium concludetur, ut suis ipsa juribus non fruatur? Absit. Neque tamen Philosophiam spernamus, aut flocci facimus, sed suum volumus Philosophicæ modum, tempus, limites, ultra quos excurrere minus debeat. Philosophiam in Ecclesia, uti Agar ancillam in domo Abrahamæ, Theologiam, uti Sarram dominam suspicimus. Agaribus amplexibus aliquandiu delectatus est Abrahamus, donec scilicet Sara pareret: at ubi Sara peperit fructum suum, Agar eiecit e domo, dicente Scriptura, ut ait Apostolus ad Galath. cap. 4.: *Ejice Ancillam, & filium ejus. Non enim hæres erit filius ancillæ cum filio liberæ.* Philosophia ergo, ut Ancilla Agaribus amplexibus fruatur Litterarum Studiosi, bene est: sed iusto tempore, donec videlicet Sara, hoc est Theologia, finem explicet, pariatque fructum. At ubi hæc suos partus effudit, sepelitis Philosophicæ Argumentis, altiora proferre necesse est, si volumus esse Theologi, ut debemus.

Missis ergo Philosophicæ Momentis, quibus creatæ cujuslibet Voluntatis determinationem non nisi ex prævia, & efficaci Motione oriri posse demonstrat Thomista Nostres in Libro de causis, quibus assensio ego quam luculentissime, ad ea Momenta me revoco, quæ Theologicis Institutis propria sunt; ut demonstrarem, Adamum in Statu Innocentiae, & Angelos in Statu Viræ Gratia se ipsa efficaci eguisse, ut in accepta Justitia perseverarent; Gratiamque versatilem libero arbitrio subditam, quæ pro recipientis assensu, atque diffensu efficacis, aut inefficax fiat, a Statu etiam Innocentiae eliminandam omnino esse.

Primum ex Orationis necessitate repeto. Demus enim Janfenii Hypotheseim; vacat omnis in Adamo orandi necessitas. Erat siquidem primus Homo, si Janfenio quidem credimus, Gratia illa versatili plane instructus, quacumque perseveraturus erat, modo illam liberi arbitrii assensu redderet efficacem: nihil ultra a Deo, ut perseveraret, expectandum illi erat; totumque jam ex liberi arbitrii sui ingenita consecutione pendebat. Ut quid ergo Deum orasset, ut ab illo perseverantiae Gratiam impetraret? Nam quid stultius, quam orare ut facias, quod in potestate habetas; aiebat alias Augustinus Lib. de Natura, & Gratia cap. 18.

Non abimili Argumento Pelagianos exagitavit Augustinus, ut ostenderet, conversionem ad Fidem ex Dei Gratia pendere Lib. de Prædestinatione Sancti. cap. 19. inquit: *Quid est, quod hinc Deo gratias agit? (Apostolus) Nempe vanum est, atque inane, si cui gratias agit, hoc ipse non fecit.*

Sed

